

278011



卷〇〇九〇一
詩字

卷〇〇九〇二
詩字

卷〇〇九〇五
詩字

卷〇〇九〇六
詩字

卷〇〇九〇七
詩字

永樂大典



永樂大典卷之九百一

二支

詩 元詩三

元程雪樓集李氏八十詩。憶昔申公八十餘。故人曾爲辦安車。太平天子思文治。會向山中訪禮書。又題許仲仁詩卷。殘雪詞林退食時。小

聰聞卷髮如絲。音傳正始誰同調。氣逼元和稍自持。文字不隨前輩盡。風流却許後人知。霜清日冷梅花瘦。獨對爐熏看欲癡。胡祇通紫山集無題

此心本虛明。百欲日昏蔽。譬如鏡積塵。不復加磨礪。逾遠逾忘反。與馬牛無異。既無賢父兄。學校久亦廢。耳目所見聞。依稀雜魑魅。習熟爲當然。

寧復知慙愧。天道如循環。亂極應還治。英哉賈長沙。太息更流涕。可憐漢孝文。苟且承秦弊。當時去古近。三代良可繼。失時而不爲。令人增歎喟。

氣質苟不高。百爲皆瑣屑。趨向日污下。遂逐聲利轍。年來省前非。改圖當勇決。先辭至周孔。八聖吾慕悅。立德與立言。汲汲追前烈。求心即師友。自

語自磋切。必待文王興。庸儒非英傑。松栢一出土。便與蓬蒿別。已見千人姿。從渠歲寒雪。五十無所聞。固爲聖人棄。胡余已六旬。耳目漸昏聩。雖

達庸鄙人謂我不足畏。壯年不可追。知悔當自勵。倒行而逆施。斯言何自
 棄。莊敬日可強。憤排通必遠。壽考吾不知。力進王良警。夜行固云差。失
 道苦不遠。天明得正途。歡喜忘呀喘。我車頗堅完。我馬亦強健。白日雖過
 年。僕御皆再飯。周道直如矢。良辰未晡晚。聖域望九關。觀光得吾願。拘
 以形氣微。與天不相似。我心即天心。人天本無二。凡天之所有。我無一不
 備。堯去形氣私。量包天地外。知化且窮神。述事而繼志。彌綸復哉成。了却
 大人事。銜青霍去病。起身自淫奴。所知勤見諫。何者為孫吳。一朝當帝
 意。總節持兵符。出塞三十萬。入塞三萬餘。無人問二子。方略果何如。李廣
 飛將軍。受制於庸愚。敗死。不封侯。數奇良悲夫。賈誼真英才。王道乃素
 學。孝文好無事。欲為還齷齪。公卿盡庸愚。厭已忌超卓。鵬鳥亦知天。飛飛
 入帷幙。不遇庸何傷。王道惜冥漠。朝誦論孟辭。暮誦六經言。臨事毛髮
 比。一一皆差愆。此病果何在。不識我之天。我天殊不遠。性理即真源。真源
 一淵靜。動止合自然。泓澄百鍊鏡。流行派萬川。去月呼使君。今月呼泰
 卿。而我竟為誰。側耳隨呼應。貴賤不自持。甘為世枯榮。譬如畫家筆。污累
 幾紅青。又如築夫幹。從人恣沈升。人生豈物耳。終老無定稱。夢寐驚寤辱。
 俯仰徇虛名。稟受作猛虎。一飽肉百斤。脫殼為秋蟬。餐飯風露晨。二蟲

各有適。不知天地仁。人出萬物表。反自喪其真。既美晉楚富。復傷顏氏貧。
物生本不齊。安能同一均。奪彼以與此。怨尤徒非辛。顏淵問爲邦。樊須
請學稼。同在聖門中。人品自高下。執一不知人。玉石俱同價。所以三閭翁。
寧死不迴駕。習中富義理。肆口能成文。區區既問學。漫費紙繒勤。余生
過中年。讀書頗有聞。物外不眩惑。少覺德性尊。聖域固云遠。循序亦能臻。
瞑坐恨眼力。絕慮靜靈源。四十無所聞。安用瞻空言。母貪文字名。正坐
蠹塵昏。咕咕誰汝聞。何異蚊雷喧。書生太癡絕。甘愛古語謾。坐看青雲士。
龍馬來高轅。秋風墮木葉。蕭蕭走前軒。歲序與流水。冉冉相馳奔。好事
得入手。急行能幾多。况復墮闕散。萬慮成蹉跎。惟餘誰作祟。搜扶傷天和。
援援靈府間。起落如鰾波。以茲銷年光。竟幾雙鬢皤。佐命惟勲舊。忠清
三十年。赤心思報國。白髮要寧邊。夢彼烏江月。神速瘳海煙。忠宣拜嘉臨。
未讓伏波賢。得死公無恨。思賢民自哀。方期當柱石。奚想便泉臺。廟貌
祭如在。銘旌哭遠來。從今調鼎手。誰繼作鹽梅。七十衰翁與世疎。關心永
日共安舒。却緣當路憐愚直。時有人求紹介書。昏衰敢不俱許可。踈散
竟能誰重輕。周道從來直於矢。並驅九軌儘寬平。高下洪纖無棄物。兼
收並蓄廟堂權。固知滄海能容物。皆老胡爲敢薦賢。書到身言已失人。

況將末法委沙塵只憑留次懸明鏡黑白妍蚩總識真神游八表展麟
姿造物無私却有私鍾秀千年猶旦暮何妨異代不同時龍眠高趣惜
英才誰問先賢與後來霽月光風同一處寫留人世洗塵埃每愛高風
蓮社圖當時果有此客無龍眠何處曾相遇夢破三生向日吾黃塵撥
撥萬蚍蜉仙人幾何同一漚瑤重畫圖聯杖履免勞神夢覓從游雪壓
茅廬風滿林野鷗寒鴈共昏陰畫師暗隱無窮意何處漁舟不可尋萬
里清江一葉舟月華西去水東流傷心不見曾連子何物人間萬戶侯
應命題畫索詩丹青雖細藝能者皆高人請看宣和譜品分能妙神風
雲湖海士廟堂名節臣曾次同造化慘淡入經營天地生萬物我筆能奪
真凜凜冰雪冬照照花柳春嘗觀蓮社圖真宰差几塵世無王黃華清論
不復聞銅臺趙濟之索言期世琢筆跡我未見詩卷何輪囷許與多名士
定如詩什新古人家數中富與誰等倫鄙俚敢斯惜酬報當殷勤寄我數
十幅黃華我比鄰王仲器之子持卷求詩仲希能尚友遺山善忘年
草聖新樂章子孫宜世傳邇來風俗薄情以勢利遷漠然見父執手澤隨
葉捐仲略吾世契有子乃爾賢返命四十年墨光猶炯然秋澗題訓辭廣
文贈佳篇不鄙賤束朽千里來乞言乃伯辭理盡援筆還自憐願言通家

好。世世金石堅。偶成。人材應時須。用舍美在已。所以掩鼻笑。正恐不
先耳。生與噲等伍。背汗增愧恥。螻蟻既墮地。未見寒餓死。可憐奔競徒。賤
辱無不至。蹴爾而與之。乞人且不視。晚磊胃中十萬兵。故從卑樞默無
聲。驚回九合諸侯夢。一曲高歌獲上卿。舉選科亡棄實才。紛紛詭譎起
蒿萊。誰知牛口寒微隸。一論齊疆萬里開。小白雖開五霸原。一時賢相
炫乘軒。只知國富兵強術。不向尊周掛一言。退食委蛇百慮新。漫誇事
業在經綸。來時偶作登龍客。無術慙爲入幕賓。莫喜肥甘潤枯質。曾無思
澤到斯民。馬前走卒休嘆咤。八議潛歸市井人。每恨平居不我知。問渠
今日竟何施。因人碌碌漫成事。舉世庸庸與易誰。委順漸如隨侶鴈。剛被
自笑脫囊錘。一杯飽食黃梁飯。睡足槐庭畏日遲。命安齋主寄詩來。把
歌吟卷復開。似厭羲皇開日月。要同俗吏走塵埃。只知芻豆填牀腹。不
識青黃是木灾。試向碧天清夜望。惡雲妖霧鎖三台。年嶽陵陽集戚子雲
袖詩見過。且薦叙先祭酒。與先人同朝之雅意。甚古用韻爲謝。白髮祭
酒公。儀形古君子。多士所共敬。豈獨桑與梓。吾翁幸同朝。輦路時並轡。治
風日以邈。追慨使倚徙。子雲薦世誼。竭來自攜李。念我一破廬。落落萊城
址。遺以五朵雲。置之五雲裏。我是老祠官。未忘鏡湖水。握子更細論。言味

湖以音嘉聞有青衿十載詩千紙

失題

篇章餘事等嬉游尚想揮毫

剪燭秋從古殺青徒自苦只今辭墨可能求忽傳驚立沙頭句又見鴻歸

天外州樓研去來須猛省不由自己更誰由王梅泉生日惠詩次韻答

之堪笑袁翁作計狂又隨客看到魚梁未秋半覺凋蒲柳已老安能種

豫章誰似讀騷仍飯酒有時贊易自焚香梅還有約君應記但愧年來久

覆觴趙石心詩試問吳兒歌小海何如廣平賦梅花一片心石無不

死平生不落徐庾家趙子陳陳有留所雲根半夜生槎牙有時盤空吐硬

語更覺世上浮且夸誰能爲斐青藜杖苔莓歲盡天祿與辟邪予與會

孟同游古心先生之門死生契闊今見其十年前與仲實詩師初既追和

予亦繼焉援援人間萬事塵舊交無柰白頭新此翁固是同門友今日

真成曠代人千里賞音知絕識九秋落木見橫陳也休頻把遺篇看說到

銅人更陰神劉靜修集佳木交清陰欣然動人意況聞翁之風能不有生

氣此翁少有兄干戈鄉縣異氣鳴念羈孤相思勞夢寐自誓畢此生復爾

歡聚遂千里三往還竟扶籃輿至夜雨一方床春風滿天地家無十歲僮

百役一身寄效兒浣厠踰代婦理中饋生忘憚獨憂死免道路棄關河隔

故丘走送徇歸志大義今已全初心始無愧翁本不識書所知惟藝事作

詩美翁賢亦以警士類擬古孤瞻皓素色寂寂虛堂深傷彼蘭蕙花
爵爵芳幽林美人天一方佳禽響遠音我有一卷經洞徹天地心我有一
寸鐵蕩滌妖氛沉心定有天游濶乎秘中襟所得不可說此理神其歆
浮雲翳陽景靈飛扇我衣男兒志萬里誰復傷別離我生十五年世事猶
未知慨然慕意氣遠與千古期高風不易攀俗紛亦已羈所智必我拒所
期必我違哀歌仰天問生我亦何爲撫劍一太息晝夜中情馳人生天地
間太倉梯粟微苟無金石姿耐此日月飛當勉玄髮歡勿取塵世嘆一笑
群憂夫三五萬事非豈不志功名功名來未遲萬物各有時時兮不再違
憶昨初讀書人曰飢寒基今日追斯言誠哉不我欺屠龍無所用不如
學履絳鑊鉏非所授不如囊中錐多少白面郎屈節慕身肥奴顏與婢膝
附勢同奔馳吮癰與舐痔百媚無不爲丈夫寧餓死豈與需臍期鴻鵠凌
雲志燕雀焉能知二禽登寥廓作鵲笑藩籬世能盡低鬼吾將誰與歸
凡物能振厲即見生意融慢氣或少疏豪颺不自充志至有定位敬勝多
奇功強哉復強哉德業將日隆雜著人生豈不覺終古謂之然孰是
都不營早起暮歸眠過足非所飲躬耕非所難但使願無違甘以辭華軒
正爾不可得在已何怨天自古有聚妻被服常不完榮吏老帶索飢寒况

當年何以稱我情。賴古多此賢。善惡苟不應。鬼神昧茫然。是非苟相形。行止千萬端。世路靡悠悠。聊且憑化遷。居常待其盡。任真無所先。詩書塞坐外。弱子戲我前。親戚共一處。餘糧宿中田。促席延故老。斗酒散襟顏。聊以永今朝。百世誰當傳。絕句 溪童出門望。鷓鴣滿空下。江水淡無情。盡是忘機者。今朝客爲求文主。昨日隣嫌借米移。木枕質錢多舊帖。看囊不必要新詩。出門已坐十年蓮。擇地寧容一物棲。弊帚萬金空自許。青雲平地欲誰梯。長庚只合陪殘月。衆楚安能立一齊。醉裏高歌動寥廓。飛鴻淡淡夕陽低。雜詩 聞昔飛狐口。奇兵入待虛。人才九州外。天道百年餘。草木皆成騎。衣冠盡化魚。遺民心膽破。韓阮戰爭初。關嶺通山後。風聲採路傍。地寒人好壽。草淺畜宜羊。用水如奴婢。從川貯米糧。西風如有約。衆興即吾鄉。堯山唐故國。淳朴帶遺蹤。種果收奴力。開田享素封。來牧多上藥。景仰近神峯。夢寐驅黃犢。巖居一老農。冀北高寒境。英靈海嶽全。期文若程邵。家世亦幽燕。祀典今誰舉。遺經會有傳。吾鄉此盛事。瞻仰在佗年。何事招提好。山深馬可驅。松巢低映帽。竹瀝細通厨。霜果千封戶。雲屏四畫圖。冠巾如我用。白鹿起規模。巖居訪高道。少日在風塵。回首話前事。低眉厭此身。江山資寇盜。田畝化荆榛。領將天倫重。無君

愁殺人。水繞千山合。雲藏數畝荒。初尋香有陣。漸入翠成行。勝客依危石。牛蹊帶小塘。園茅奄如畫。可惜是逃亡。一語喚醒瑞巖老。千言不昧草庵歌。聞人爲向忙人說。佛法元來本不多。未免難難自有春。壺冰徹底照來真。驢鳴畢竟渠皆聽。解識天機得幾人。水華庭草思悠然。風月源溪有正傳。二十四年程主簿。已知隨柳過前川。天教觀物作閑人。不是偷閑故隱淪。要識邵家風月興。一般花鳥華山春。寒氣嘗侵一半春。詩家道體說來真。不教曉入雄雞口。誰喚南窓打睡人。湯鼎石壇老眼親。陰陽誰見屈中伸。年來併識顏家樂。十月天教薺愛春。漫記天幕高懸兩却蛙。水光山色照黃家。忘情未使真忘得。憶竹栽蘆強自誇。我自無行即是藏。更將何物要韜光。東澤幸有牛溪在。却向長安說醉鄉。百錢破釜發長嘆。一局贏棋爲解顏。擾擾自無安脚處。幾人打透利名關。應物何嘗累我真。禪家怖死強忘身。昨朝一讀雍行錄。卻笑當年墮甌人。沒題。乾坤未覺化機停。世態難逃醉裏醒。共見白雲入蒼狗。豈知蝶夢即螟蛉。偶作爲貪風月重登臨。感慨幽懷不易禁。靜裏形神君與我。眼中興廢古猶今。區區此世真何物。落落平生只寸心。聞道江湖好煙水。飛鴻滅沒無遺音。偶得血氣雖衰志愈真。近來溫故覺知新。久

貧多得鄉閭歌。漸老惟於道義親。日月消磨三樂事。乾坤俯仰一閒人。幾
時卜築唐溪上。分得堯民五畝春。自覺筋骸老漸頑。曾經堅脊度危關。
清霜烈日留身後。秀氣春風拂坐間。自有飄波如底柱。莫教秋色避南山。
雲鵬稅駕今無地。幾點江鷗盡日間。那得楚材湛然居士集。敏之學士遠
寄新詩七十韻。捧讀之餘。續貂以尾。聊資一笑。壯年多軼軻。晚節數行
藏。故國頻綱穢。新朝明德香。雄材能預筭。大壘固難量。迷出神兵速。無敵
我武揚。本圖服叛逆。何止窮講張。西討窮于闕。東征過樂浪。慧使天塹塵。
光動太白鉉。整整車徒盛。鱗鱗旗鼓望。天皇深責重。賢帥廟謀臧。江右將
禽楚。河陽已滅商。英雄皆入彀。強禦敢跳梁。採訪軒車開。司農官吏忙。輕
徃常力足。薄賦不財傷。勲業超秦漢。規模邁帝王。流言無管蔡。奇計有平
良。增葺新文物。耕耘古戰場。蛟龍方奮迅。鵬鶚得翱翔。偶遇風雲會。爭休
日月光。永鵬千古恥。一怒四夷攘。虎帳十年夢。龍庭幾度霜。逆風初請命。
出郭遠相將。父敵真宜死。寬恩何敢當。敎書民有幸。歌詠壽無疆。扶杖聽
黃鶴。稱觴進白狼。散財竭庫藏。拔將出戎行。殷絕仁猶在。周傾道不亡。未
招燕郢內。入覲大倉傍。戎服貂裘紫。星軺駁馬蒼。中春辭北望。初夏遇西
涼。瀚海涵而湧。陰山彷彿且徬。開雲迷去路。踈雨潤行裝。出處空興嘆。風光

自斷腸。典刑陳故事。利病上封章。天下援深溺。中州冀小康。風俗承養亂。
善策要優長。痼疾如神附。遊魂笑鬼依。仁術能骨肉。靈藥起膏肓。避禍宜
緘口。當年肯括囊。遭讒心欲剖。涉苦膽先嘗。北漢絕窮域。西隅抵大洋。詩
書猶不廢。忠信未能忘。甄捕達臆。繩穿朽脚床。郊行長野興。人靜若禪
房。回鶻交遊熟。崑崙事跡詳。風煙多點點。雲水兩茫茫。災變垂乾象。妖氛
翳太陽。髯龍三島去。莢葉一枝芳。明主初登極。愚臣敢進狂。九疇從帝錫。
五事合天常。大樂陳金石。朝服具芻粟。降升分上下。進退有低昂。拓境時
方急。郊天且未遑。應兵無血刃。降虜自壺漿。業堵無更肆。國畝不饒糧。宸
心尊德義。聖政濟柔剛。恩澤涵諸夏。威被震八荒。勢連西域重。天助北方
強。奉我陪三省。永賢守四方。錦水捐芻蕘。肉食棄糟糠。隱逸求新仕。流亡
集故鄉。百官欣戴舜。萬國願歸唐。耕釣成生遂。工商樂未央。會將封泰岳。
行看建明堂。每嘆才雕篆。長慙學面牆。君恩予久負。賢路我深妨。覆餗恒
憂懼。持盈是恐惶。故山松徑碧。舊隱菊花黃。大守方遺馬。初平政牧羊。厚
顏居此位。若已納於隍。吟嘯須歸去。香山老侍郎。雲漢遠寄新詩四十
韻。因和而謝之。允文符大一。天相忝文昌。泛海難追蠹。封留欲學良。猗
形伴珠玉。朽木廁松樟。直節心雖赤。衰年髮已蒼。伴食居相府。無德報君

王草甲濡春雨。葵心傾太陽。大雅歸禁闕。成算出巖廊。自北王師發。平南
上策長。皇朝將革命。亡國自頽綱。漢水偏師渡。長河一葉航。股肱無敢隕。
元首載歌康。號令傳諸域。英雄守四方。大勳雖已集。遺命未嘗忘。萬國來
馳幣。諸侯敬奉璋。兆民涵舜德。百郡仰天光。大有威如言。重乾體自強。碩
賢起編戶。良將出戎行。太廟陳蓮豆。明堂服冕裳。宋朝微寇滅。皇嫡久成
戎。政亂人思變。君恩自底亡。右師替入劍。元子直臨襄。殺氣侵南斗。長庚
壯玉堂。弓猶藏寶玉。劍未識干將。皇業超千古。天威聳八荒。元戎施虎略。
勇士展鷹揚。武繼元封跡。文繼貞觀芳。宮庭散諫鼓。帷幄集書囊。佇待卿
雲見。行觀丹鳳翔。武大能運用。威德是相當。多士思登用。遺賢肯退藏。詩
書搜鳥義。功業仰龍驤。國用恒無闕。民財苦不傷。八音歌頌雅。百戲屏優
倡。聖澤傳朝露。明刑肅暮霜。永垂塵劫祚。一混九州疆。重任司鈞石。微材
匪棟梁。思歸心似醉。感媿淚如滂。嚴子終辭漢。黃公合隱商。窮通真有數。
憂樂定難量。雖受千鍾祿。何如歸故鄉。與賈仲論詩。論詩夜夜費膏
燈。與壽玄機似袖僧。示我鵬南國。覺海欲來楞。去來之能。和秀長老絕
句。生死與涅槃。都如昨夢耳。覺後笑呵呵。無彼亦無此。只識桃盤不
識金。桃盤釵釧本真金。一從打破疑團後。物物頭頭總是心。高庭英索

詩強爲一絕 一川秋色滿東籬。鴈字行行自寫悲。試問省庵何所處。黃
花紅葉總堪詩。錄寄新詩呈冲霄 冲霄酷愛玉泉詩。魏我年來無好
辭。錄寄新詩三十首。莫教俗子等閑知。松月老人寄詩因用元韻。談
禪講教不知家。芳草漫漫去路差。朽卜虛聲木老鼓。盤星錯認洞山麻。金
無去就論空色。誰有心情說照遮。松月野僧須薦取。釣魚人是老玄沙。劉
文貞公集古詩泛言一百二十一首。天地合二五。蒼蒼皆所生。人爲最
靈物。秉彝初混成。嗜欲既開鑿。昏雜難自明。聖人設教化。同復純粹精。
乾坤六合中。道義皎如日。人心動靜間。應對二而一。爲善有高明。爲惡無
暗室。小人悖之凶。君子修之吉。聖人所定正。易書詩春秋。如天有四時。
不息長周流。集義充浩氣。賢哲知當修。拳拳思無怠。歲久同交游。是穀
得土生。農夫柰勞苦。時或偏雨陽。功須旋添補。不耘苗不興。助長大莽園。
隣翁慶有年。心休生蠹蠹。天地有晝夜。日月或升沉。聖賢平道義。體古
運明今。窮通無損益。一貫存中心。貧賤既不濫。富貴胡能淫。放心宜早
收。無令志馳逐。安宅寬有餘。正路直無曲。雨露晝夜間。滋息牛山木。血氣
易致衰。嗜欲何時足。人生天地裏。心腹居人中。萬事貴中立。中立無不
通。偏倚過不及。其道非由公。公心普明明。白日懸蒼穹。有身須有心。有

心須有事。有事須有誠。有誠須有生。生者無不通。通者無不遂。遂者存於公。公者合乎義。聖人立人極。法象師乾坤。乾坤周四德。萬物生春溫。生復化。化至善。榮心根。文藝屬游泳。道義長推尊。天地運四時。四時行萬事。人居天地間。一理貫無二。用事體其時。上下自合志。合志義在中。中在正。可示。至道體無朕。一理長分明。廣大備天地。二五合生成。惟人號靈物。乃有純粹精。立極定中正。乾元亨利貞。人欲蔽天理。不明同暴棄。復來還復來。復至無復地。乾坤動靜間。浩然充集義。存神過化時。昭然見誠意。人生一百歲。世事千萬端。今日有明日。取次凋朱顏。詩書同造化。移物勝還丹。少壯當努力。寸晷休虛閒。遇惡改所同。見善遷未及。三人必有師。存心莫偏執。寡過體時中。性成如素冒。聖門永不闕。肯來皆得入。道義畧無間。時命或有窮。無間必當敬。有窮莫俟通。在此不謀彼。行處惟宜從。雲雷遂經濟。枯草生華風。富貴非永持。人皆有天爵。可求不可求。趣舍無交錯。幸得啓私懷。才術展穿鑿。須知君子心。義外都無託。爲教首孝弟。爲治先農桑。大綱若能舉。衆目還自張。天下本無事。庸人何太忙。春風動黃閣。萬物生輝光。三獻兩遭別。克誠終不惡。良玉苟藏藏。足在將何若。紛紜薄子心。盡道古人錯。願學古人錯。莫學今人薄。斜月挂

樓角秋色夜還多。閒雲自巖壑。林鳥思舊柯。青山豈過遶。白日空踟躕。春
風幾時來。一一吹葇蕤。梧高鳳不來。一葉凋金井。幽人想鳳儀。依稀屢
延頸。鴈宿蘆花灘。鳥飛明月影。白雲不覺秋。西風江水冷。南山有佳氣。
北嶺遙相望。歸禽樂高樹。煙水明夕陽。雲霞淡無色。草木翻青黃。淵明不
飲酒。離菊爲誰香。閒雲不肯飛。戀着西山住。長風不惜情。吹散無尋處。
山下有幽人。携筇日成趣。向晚獨歸來。茅齋樂食素。大賢守易簡。一物
曾不差。庸人騁私智。展轉事如麻。千慮苟一得。後世爭相誇。源遠流不返。
何處尋歸槎。清泉日夜流。知爾有憑據。盈科還入行。一息不停住。碧雲
出山來。不想還山去。佳人望眼花。鴉亂天將暮。高明若有畏。下愚安敢
欺。凡生在穹壤。有性寧無知。情出必悖入。相運如剋期。孟子既不妄。反身
奚復疑。絮矩譬良匠。忠恕道不遠。橫逆忽來加。平心宜自反。既直徑可
前。稍屈便當挽。君子之德風。何草不能偃。三十至四十。又覺十年非。後
事不能應。今日當知歸。春風吹好夢。踈牖明朝暉。北山存蕙帳。猿鶴久忘
機。一水東北流。悠悠入滄海。一山西南橫。青青色不改。中有讀書人。書
中見真宰。如妝明月珠。暗室生光彩。李白浹蕩士。高明四海聞。爲愛一
杯酒。辭却萬來君。還山酌明月。明月埋陰氛。長風爾有力。爲我披浮雲。

可愛王右丞。幽情固宜託。寫出無聲詩。胸中幾丘壑。巖樹綠婆娑。秋風也吹着。日月曾幾何。密葉不凋落。三老煙霞病。沈郎風月愁。各自有佳趣。未肯同追遊。黃塵滿行路。路遠生白頭。長江鼓高浪。迴舟不自由。我我太行山。清清磐谷水。山色共見佳。水味誰知美。去問李先生。萬事果如此。先生一點頭。無言有微旨。南風差有力。吹散浮雲陰。佳人慕君子。策杖同幽尋。豈無一尊酒。慰此方寸心。明月來相照。歸鶴集暮林。群水爲誰流。孤山能自立。寵辱不驚心。到此要熟習。玉井有清泉。百熱除一吸。渴者莫號呼。綆短苦難汲。駟馬相如貴。六印蘇秦還。漁父不識字。長伴鳬鷗閑。汨沒是非裏。奔走塵埃間。十年不改舊。青眼望青山。風雲慘淡中。干戈橫五季。希夷隱華山。昭昭見天意。百川自東流。孤蟾亦西墜。扶桑日出來。覲覲猶新曉。純袴仕宦內。布衣稠人中。不謂萬金富。甘受十年窮。詩吐清明氣。酒澆磊砢胸。百尺高樓上。幾箇陳元龍。海東有蓬萊。神仙居絳闕。閑人一草廬。無才罷干謁。萬籟寂不聞。孤雲亦知歇。虛室生清光。高山吐明月。木落不怨秋。花開那謝春。榮謝自然道。誰是道中人。道人不可識。滿目飛黃塵。荆山雖有玉。水淺石磷磷。落花不着枝。啼鶯不織口。東風未肯開。溪邊弄楊柳。幽士一茅廬。塵路厭奔走。枕上看青山。薰風入